

〈徒然草〉四首

無花果

曾從海市煮鹽田，也擬浮槎到日邊。
供露豈因花作計，生涯已漸慣徒然。

向日葵

當年親炙識朱顏，耿耿誰嫌捧日艱。
一自天香謫仙後，此心牢落向人間。

苦楝

又逐修羅作苦行，崎嶇長夏竟何成。
蕭條世味相煎久，為盡酸甜誤此生。

冬青

已無花事舊娉婷，豈惜殘冬一段青。
拚得當時春爛漫，餘生不悔是畸零。